

三洞珠囊卷之九

大唐陸海羽客王慈河修

劫數品

上清三天正法經云天圓十二綱地方十二紀天綱運關三百六十輪為一周地紀推機三百三十輪為一度天運三十六百周為陽劫地轉三千三百度為陰蝕天氣極於太陰地氣窮於太陽故陽激則勃陰否則蝕陰陽勃蝕天地氣反天地氣及乃謂之小劫小劫交則萬帝易位九氣改度日月縮運陸地涌於九泉水母決於五河大鳥也於龍門五帝受會於玄都當此之時凶穢滅種善民存焉天運九千九百周為陽蝕地轉九千三百度為陰勃陽蝕則氣窮於太陰地勃則氣謀於太陽故陽否則蝕陰激則勃陽陰蝕則天地改易天地改易謂之大劫大劫交則天翻地覆海涌河決人淪山沒金玉化消六合冥一白尸飄於無涯孤癸悲於洪波大鳥掃穢於靈嶽水母受事於九河五龍吐氣於北元天馬巨轡以徒魔赤鎖伏精於辰門歲星滅

懷九

王於金羅日月昏翳於三臺之館五氣停暈於九嶺之上龍王鼓華於東井之上河侯受對於九海之下聖君顯駕於明霞五帝科簡於善惡當此之時萬惡絕種鬼魔滅迹八荒四極萬不遺一至於天地之會自非高上天所不能讓自无青錄白簡所不能脫也又云天關在天西北之角與斗星相御北斗九星則天關之綱柄王晨之華蓋梵行九天十二辰之氣斗綱運關則九天並轉天有四候之門九天合三十六候一晝一夜則斗綱運關經一候之門晝夜三十六日則經三十六候都竟三十六候竟則是九天一輪三百六十輪為九天一周九天一周則六天之氣皆還上上三天天改運促會以催其度三千六百周則為小劫小劫交則九氣改正萬帝易位民亡鬼滅善好清治六合寧一九千九百周為大劫終大劫終則九天數盡六天運窮六天運窮則氣激於三五群林凶橫因時而行放毒滅民此皆運窮數極乘機而鼓以至於此也地機在東南之分九泉之下則九河

之口吐翕之靈機上通天源之陶注傍吞九洞之淵澳十二時紀推四會之水東迴一晝一夜則氣盈並湊九河之機晝夜三十三日機轉西北迴東北張西南翕張則滋翕則虧周於四會天源下流涌波是為一轉三百三十轉為一度一度則水母促會於龍王河侯受對於三天三千三百度謂之陰否陰否則蝕陰蝕水涌水涌河決山淪地沒九千三百度為大劫之終陰運之極當此之時九泉水母於洪波水母鼓於龍門山海冥一六合坦然此陰運之見地氣之激也又云赤精開皇元年七月七日丙午中時登琳瑯之都月之上館受符於元始天王開金陽玉匱玄和玉女口命出皇民錄譜自開皇以前三象明曜以來至于開皇經累億之劫天地成敗非可稱載九天丈人於開皇筭定天元校推劫運白簡青錄得道人名記皇民譜錄數極唐堯是為小劫一交其中損益有二十四萬人應為得者自承唐之後數四十六丁亥前後中間甲申之年乃小劫之會人名應定在此之際

陽九百六二氣離合吉凶交會得過者將為免哉然甲申之後甲申之前其中壬辰之初數有九周至庚子之年吉凶候見其道審明當有赤星見於東方白彗干於月門妖子續黨於蟲口亂群填尸於越川人啖其種萬里絕煙強巨稱霸弱主蒙塵其後當有五靈萬瑞義合本根龍精之後續族之君平滅四虜應符者隆龍虎之世三六乃請民無橫命作無危患自唐之後四十六丁亥是三劫之周又從數五十五丁亥至壬辰癸巳是也則是大劫之周大劫之周天翻地覆金玉化消人淪山沒六合冥一天地之改運真非所如何惟高上三天白簡青籙乃得宴鴻翻而騰翔飛霄而矚目耳此玄和玉女口命金陽玉匱論天地之成敗吉凶之是非也

上清八景飛經云大劫之周三道虧盈二氣合離理物有期承唐之世陽九放災前除危勃搜採上真也  
老君成文云西向流沙中无量國有巨石高三百丈周旋一千五百里巨石北則有芥子

城壁方四十里四面石壇高二十丈飛仙一歲送一芥子著此城中以衣拂巨石令消者與平地无別芥子城令滿中芥子則時運周劫世轉一階也

靈寶齋戒威儀經說下云石如崑山芥子四千里中天人羅衣百年一度拂盡此石取此芥子一枚譬如一劫之終若是之久雖當悟斯者也

靈寶天地運度經云靈寶自然運度有大陽九大伯六也小陽九小伯六也三十三伯年為小陽九小伯六也九千九百年為大陽九大伯六也夫天危謂之陽九也地虧謂之百六也至金氏之後甲申之歲是其天地運度否泰所終陽九會至時道德方明究醜頓肆聖君受任於壬辰之年也又云至于水龍時

仙君乃方起弓口十八子彼經中有十條此不具錄也

老子為帝師品  
太平部卷第八老子傳授經戒儀注訣云老子者得道之大聖幽顯所共師者也應感則

變化隨方功成則隱論常住住无所住常无不在不在之在在乎无極无極之極極乎太玄太玄者太宗極主之所都也老子都此化應十方教有无之妙應接无窮不可稱述近出世化生平周初降迹和光誕於庶類示明胎育可以學真雖居下賤无累得道周流六

虛教化三界出世間法在世間法有為无為莫不畢究文王之時任為守藏史或云處世二百餘載至平王四十二年太歲癸丑十二月二十八日為閻令尹喜說五千文也

化胡經云老子伏羲後生為帝之師號曰兜奕子復稱田野子作元陽經  
神農時出為帝師號曰大成子復名郭成子作太一元精經

祝融時出為帝師號曰傳操子復名廣壽子作按摩通精經三家共修无為各治萬八千歲致太平人民純朴无有餘治唯元氣自然為法不役伐道氣歸之无不服也此謂三皇之君矣

黃帝時出為帝師號曰廣成子作道成經

帝嘗時出為帝師號曰綠園子作道理黃庭經

帝堯時出為帝師稱務成子作正事經

帝舜時出為帝師稱尹壽子作道德經

黃帝至聖遂使帝業相承壽命有長短象之

五行更相剋伐強弱相凌此謂五帝

夏王時出為帝師號曰李子胥作元陽經復作德戒經

湯王時出為帝師號曰錫則子作道元經

文王時出為帝師號曰箕子復稱赤精子

亦為守藏史

武王時出為帝師號曰郭叔子復稱續成子為柱下史

幽王時出為帝師號曰天老復稱老子為柱下史作長生經復與尹喜作五千文上下二

經復與尹喜至西國作佛化胡經六十四萬

言與胡王後還中國作太平經後世當在人

間欲令世人修善行義專奉德化以佐道法

助國扶命憂勞百姓度脫凶年今遇大清之

中也已上數懸河今謂道德序訣云老子代

代為國師即此是也

孟智周法師老子經通題目云千二百老子

此即其數千二百老子自別有經也又云後

學所成伯陽是也故知伯陽尊號始乎隆周

也此號隱顯難可詳究矣

玉帝七聖玄紀云壹壹神匠靈德虛鮮曜龍

文於滄淵煥采雲於九天耀高貌於蘭玉發

金精於瓊泉列七紀於上錄明刻書於隱篇

括致沉裏運轉滯輪抹結五象携集上真愛

高上之垂化以敷教于群方也

老子化西胡品

太平經云老子往西越八十餘年生殷周之際也

鬼谷先生撰文始先生无上真人關令內傳

云周无極元年歲在癸丑冬十有二月二十

五日老子之度關也關令尹喜勅門吏曰若

有老公從東來乘青牛薄板車者勿聽過關

在後果見老公如是求度關關吏不許以關

吏之言白之老公曰吾家在關東而田在關

西欲往採樵幸聽度之關吏再不許入白關

今令即出迎設弟子之禮老公故辭欲去關

令殷勤北面事之老子許之住也老子時有

債客姓徐名甲日往錢一百老子先與約語

當頗還卿直然須吾行達西海大秦安息國

歸以黃金頃備錢限甲既見老子方欲遠遊

疑遂不還其直爾時有美色女人聞甲應得

多錢密語甲曰何不急訟求其直吾當為子

妻甲惡意因成即舉詞詣關令訴老子求錢

關令以甲詞呈老子老子曰吾祿貧薄无僕

役前借此人先語至西海大秦安息國歸頃

還黃金備直限其何負約見訟耶甲隨老子

二百餘歲應還七百萬老子謂甲曰吾昔語

汝至西海大秦安息國歸頃以黃金相還云

何不能忍辱今便與詞訟我汝隨我已二百

餘歲汝命早應死賴我太玄長生符在爾身

耳言畢見太玄長生符飛從甲口出還在老

子前文字新明甲已成一聚白骨喜既見甲

違心便死意復欲觀老子起死人因曰喜當

代還此直即具錢來伏願赦甲往罪賜其更

生老子慈之曰善此本非吾腹甲甲負先心



道自去之老子復以向符投其枯骨甲即還生如故喜具為說之甲方叩頭謝罪老子令還汝直謝遣之也老子以上皇元年歲在丁卯正月十二日丙午下為周師也周道將衰王不修德弗能以道德治民此淫亂之俗不可復師故微服而行吾將遠遊矣吾復作禮曰願大人為我著書說大道之意喜得奉而修焉老子以无極元年歲在癸丑十二月二十八日月中作道德經上下二篇以授喜老子辭別欲行喜曰願從大人遠遊觀化天地間可乎老子曰我行无常處或上天或入地或登山或入海或在戎狄蠻貊非人之鄉鬼神之神邦嶮難之中觀化十方出入無間坐在立亡子以始受道諸穢未盡焉得隨吾遠行耶子且止誦此二卷經萬遍道成乃可從吾遠遊子道欲成時自當相迎今未得去也老子臨去則告曰子十日以後於成都市門青羊之肆尋吾乃可得矣喜奉教誦經萬遍千日之後身乃飛行入水蹈火並不熱弱今道已成乃往成都市門青羊之肆尋老子經日

不見晝夜感念到九日見一人來買青羊由是乃悟問使人曰子何故日日買此青羊耶使人答曰吾家有貴客好畜青羊故使我買之也喜曰吾昔與彼客有舊因期於此子能為我達之不因以珍寶獻之使人曰諾君但隨我去當為具白此意喜曰若然白客言關令尹喜在外使人如其言白之老子曰令前拂衣而起登自然蓮華之座問喜曰別後三年之中子讀經何得何失喜拜而自陳曰奉教誦經令喜得常存不死也老子曰子昔願從吾遠遊道已成可以遊觀大地八紘之外也喜曰弟子宿願始申矣無復所恨老子於是命駕遠遊天地之間變化諸國也後入蜀賓國闢岷之山精舍中行道屬賓王出遊問曰此何等入侍者曰道士耳王曰道士乃幽隱在此乎後日復遊見之王曰何修也可以致福老子曰齋戒中食讀經行道上可得至真不死不生教化出入在意也下可安國隆家亦可從轉身得道度世入元為王曰善哉後日出遊復見之王曰道士道法最何為貴

耶道士曰吾道貴自然清靜无為及齋戒行中食燒香可從生天可從生王侯家得可從道度世以此為上王曰善寡人欲請道士中食行道可乎道士曰為欲請幾人耶王曰悉請也道士曰徒眾多難可悉供也王笑曰寡人大國何求不得而云不能供耶道士曰吾道士固曰貧道依附國王致有珍寶盡是王物今先欲請王國中食以為百姓祈福可乎王曰善但恐道士无以供之道士曰足有供之願王枉駕王曰刻日當到道士遂先請及群臣國人也皆使仙童玉女及四方飛天人請男女一十四日都畢王歎曰貧道士尚能作大福如此我大國王何所之无而言不能供之耶刻日請道士徒眾大會道士到皆引諸天聖眾九品仙人四十餘日人來不盡後方日日異類或胡或儋或吳或楚或長或短王倉庫已半人猶未止王曰如道士言此人眾何其多吾誠恥中殆今无供具忽生惡念曰吾恐此老公是鬼魅非賢人道士可速收縛積薪市中燒殺之以示百姓於是遂縛

老子徒衆等老子爾時任其所作聚薪都市  
老子語喜及諸從真人卿但隨我上此薪上  
傾國人悉來視之終不能言我等也如是國  
人視之其善心者皆難叱我王何故強請道  
士而中道燒之可憐可念火起衝天國人因  
見老子亦放身光滿天下老子與喜及諸真  
人在炭煙之中坐蓮華之上執道德經誅之  
及火勢盛猶在炭上坐不去王問老公已死  
耶使者曰老公故在炭上誦經王又令沈老  
公縲淵後隨王入淵入淵不溺國人見老子  
放光神龍負之龍光亦照淵方誦經並不能  
為當王問道士等已死乎使者曰投之深淵  
龍王出負之老公放光照滿國內復不死不  
溺當如之何王曰燒之不死沈之不溺吾末  
如之何王願謂群臣曰恐彼老子將天師聖  
人乎今欲事之何如群臣曰善恐老公徒噴  
將亡國也願王早詞謝之王曰正爾自誦却  
說前事謝罪云云老公曰前我語王恐王不  
能供之云云而反燒我師徒何逆天无道耶  
上天不許王之橫殺无辜此乃天見我无罪

故得度險難也天將滅王國不久當至也王  
大謝罪願舉國事師不敢中怠老子曰王前  
有惡心今雖叩頭十下猶未可保信恐後有  
悔當何以為誓耶王曰今以舉國男女一世  
不娶妻兒鬻鬚髮以為盟誓約不中悔中悔  
當死為誰何如老子曰善爾時推尹喜為師  
令王及國人事之王當以國事付太子伊梨  
我當修道捨家國求道度世老子曰善既欲  
棄國學道吾留王之師號為佛佛事无上正  
真之道道有大法若王居國學道但奉五戒  
十善自足致福去却不祥常生人道尊榮富  
貴亦可因此得道度世何必捨家也王及群  
臣一時稽首師前男女同日奉道焉為作三  
法衣守攝其心錫杖以驚蛇蟲乞中食為節  
老子復為造九萬品經戒今日就誦之老子  
曰授子道既備吾欲速遊八方遂還東遊幽  
演大道自然之氣為三法第一曰太上无極  
大道第二曰无上正真之道第三曰太平清  
約之道也  
老子化胡經云吾以幽王時出為師教化道

法觀其虛實為柱下史姓名耳字伯陽知  
幽王不可復師欲去之此衰亂之俗不可久  
周幽王將亡其國乃假服乘青牛薄板車去  
之於是幽王果為犬戎所殺遂西詣厲賓王  
至函谷關關令尹喜好道術內學仰知天文  
下知地理預知道當西行夙夜觀象是時太  
歲在癸丑十二月二十五日臘除道過來西  
度關關令尹喜先勅門吏今日當有老公乘  
青牛薄板車來度關告之勿令去如其言老  
子乘青牛薄板車度關關吏留之不聽度老  
子云貧賤老公居在關東田在關西明日當  
臘欲去取薪草幸聽度更下而跪答曰明府  
有教若有老公乘青牛薄板車留之勿令去  
願少留神吏便入白關令關令帶印綬執板  
而迎為設禮老子曰吾是貧賤老公居在關  
東田在關西明日當臘欲往迎薪草耳今留  
如何尹喜執板跪而言曰喜是蜀郡成都人  
姓尹名喜自生以來至今以歷三十甲子也  
求先生當周旋勞苦暴露天幸今日相遇願  
少留神老子入舍共語三日三夜為作五千

丈主人上饌甚厚老子念无以報之為作五千文上下二經與之報其厚意辭別欲去尹喜曰願聞先生姓字老子張口吐舌示之曰口中齒皆落盡唯有舌在耳喜曰老聃齒在口中三十六枚儼然如霜齒今落盡唯有舌獨在故知柔者能制剛弱者能勝強欲令尹喜行柔弱之志竟不語姓字而去喜曰思道德之美願從西行老子曰吾遊越天地之表散氣於八隅或至小國或上昇天下入淵隨世教化无所不至子安能隨我去不尹喜跪而言曰入水入淵入地上天投身沒命願從先生老子曰子勤讀五千文上下二經却後三年會成都市青羊肆索我則可得也子今不得隨吾去矣於是太歲癸丑辭別而去尹喜遂修經夙夜不懈元氣歸其身日日加增得道之意知其真焉喜後以太歲丁巳詣成都市青羊肆索老子累日積月不見夙夜歎息後乃見一人數數來買青羊於是心開意悟乃問之曰何以日日來買此青羊耶使人答曰我家有貴客好畜青羊故使我買之喜

曰吾昔與彼客有舊因期於此子能為我違之不以珍寶獻之使人曰諾君但隨我當為具白喜曰若然白客言尹喜在外使人如其言白之老子曰令前拂衣而起登自然蓮華之座手提九節之杖見尹喜言何以晚耶吾待子久矣喜再拜曰求先生累日積月不知先生所向何許道不奪願今得拜見恩覆之廣深也遠矣於是乃共說三年之中何有可忘尹喜稽首言曰與先生別後所得經者最夜讀之无有畏忘精邪鬼賊見喜皆自然化服萬神為之走知元氣之廣矣老子曰在此待子甚久知子不移之志當將子遠遊觀天地間元氣保子身形豈不善哉爾時太歲丁巳乃與喜至西國我欲教諸國人莫知之者至厨宿國乃入山中巖居穴處共修道法三年太歲庚申胡王出獵數數見之問左右曰此何等人也左右无能知者老子答曰我是老人積在山中王怪之謂是魘魅不知是聖人固欲賊害老子老子行柔弱之志以下其意乃設自然无極天厨欲請王國中人王聞

之掉手大笑曰此老公依附吾國得自生活當何得請吾國中人耶老公曰依附王國以得生活致有今日今欲還東國欲報王恩刻日當會王遣使者視老公請客之具老公設五行雲氣之帳幔西谷中白縵北谷中黑縵東谷中青縵南谷中赤縵中央黃縵延請國王上及王身下及國人胡王即召三十六國數千萬人往會老子五色雲縵之中飲食七日七夜厨饌儼然不為勞倦胡王歸國復欲請老公老公答王曰言不可請王曰吾大國之中何所无有何以不能請老公耶刻日當會到其日老子與諸道士共行就請有四輩弟子四天王百萬眾今日一種人明日復異種人日日人各不同如此四十餘日人來不絕王厨已盡王乃大驚語左右曰此為妖怪必非常人奈何殺之左右曰可積薪都市中燒之若不死者取大石繫頭著海中當不死之耶胡王勅國中戶各取薪一束積與市上燒之老子與尹喜為胡王所繫薪上胡子於下放火燒之四十餘日薪盡火滅老子與

7144 50 1



尹喜在炭中讀經如故王復沉老子尹喜以大石繫頭著深淵之中又復不沒胡王大驚今當奈何舉國惶怖欲來侍老子以為師也老子語王曰我非師也前與我共上薪被燒者是為師師今到諸天中索兵馬當來以伐王國以王前燒殺之故也須臾問諸天鬼神兵馬來下皆長一丈四尺數百萬衆手持鐵杖滿王國中日來之不絕唯欲以殺胡子并及王身故胡王大驚三十六國各各失魂王頭面指地不敢視老子老子即變作金剛五色大人身長一丈六尺七十二相面目紫輝見於虛空左入右出乍下乍上是謂十方空虛身也胡王驚怖語左右置向老公侍此大人耶老子知其欲化也此不為大人也此名太上正真之人耳此正真之人好生惡殺來至王國過不犯王王有何意積薪以燒之耶而今奈何復欲以侍之乃欲免耶胡王曰賜我生命濟活我國生死一心奉屬大人從今以誓不犯之也老子曰王當以何作信王曰我國中大小男女終身不娶妻當侍師至

死求免我罪於是召三十六國胡子向老子前皆當髡頭剃鬚自毀形容橫裙衣露右臂與天為信引地為誓又手合掌不敢移易老子見胡變化乃與作六十四萬言經元上正真之道令王舉國事法不得操業破卵傷害萬物劫盜作賊侵凌孤弱詛罵妬妬飲酒食肉妄言兩舌不得載車乘馬不著履屨為作錫杖欲令驚地生蟲不得傷害之也又恐其變悔故為作三衣法服左臂露右臂常結著心前令以右手捉之不得放心也不令種作為刻木作拔結以受七升今日月當行乞食家乞一升七家得七升得之便食之若至七家不得食自滴七日不食飲水而已以此為法化胡經乃有二卷不同今會其異同錄此文出也

時節品

太一帝君洞真玄云白日登晨者日之正中為白日也雞之始鳴登晨也明真經云人之得仙白日登晨即此義矣皆取生氣時

司命解化方云白日去謂之上尸解也夜半去謂之下尸解也向曉向暮而去者謂之地下主者也

昇玄第一經云朝中日没人定夜半雞鳴為六時禮敬十方天尊禮從東方為始也

玉清隱書云甲子之日八節之日此皆上元朝宴之時也

上清八景飛經云立春之日三素元君上詣

天皇大帝遊宴之時元景行道受仙之日也

春分之日太微天帝君上詣高上玉皇遊宴

之時始景行道受仙之日也立夏之日太極

上真三元真人上詣紫微宮遊宴之時玄景

行道受仙之日也夏至之日扶桑公大帝君

上詣太微宮遊宴之時也虛景行道受仙之

日也立秋之日太素上真白帝君上詣玉天

玄皇高真遊宴之時元景行道受仙之日也

秋分之日南極上真赤帝君上詣閭風臺詣

九靈夫人遊宴之時明景行道受仙之日也

立冬之日上清真人帝君皇祖上詣高上元

天玉帝子遊宴之時洞景行道受仙之日也

冬至之日太霄玉妃太虛上真人上詣太皇宮太微天帝君遊宴之時清景行道受仙之日也先錄出在道例第九卷八節齋日品中具說之也  
三洞珠囊卷之九

三洞珠囊卷之十

大唐陸海羽客王懸河修

懷十

叩齒嚙液品

金書玉字上經云暮卧常密三七叩齒三七咽液陰祝曰

九星太精北極真君益我精胎疆我三魂左引日華右杓月津辰中黃景元虛黃真使我飛仙上登紫煙神虛玉符常守生門萬邪伏法受形斗君

平旦欲起常密二七叩齒嚙液二七陰祝曰

天元上一斗中七童上清紫精在兆身中華辰紫蓋太素玄宮後聖靈氣下入洞房使我飛仙得行太極金堂

五符云俯漱五華液還復及童顏仰挹三辰精保身永長安

夫叩齒以令神嚙氣以和真納和嚙六液以運入制神須鳴鼓而行列也此名呼神

真誥第五云夜行常當啄齒啄亦无正限數也殺鬼邪鬼常畏啄齒聲是故不得犯人若兼以漱液祝語益善也

兼以漱液祝語益善也

仙人劉京語皇甫隆曰夫朝睡起未澡洗之前平坐漱口唾曰玉泉令滿口嚙之即叩齒二七止又更漱唾如前法又更叩齒如前法夫叩齒者召身內神令其安之又令人齒不朽夫嚙液者令人身體光澤津潤力壯有顏色去三尸蟲名曰鍊精使人長生若能終身行之得仙也

洞神太上隱書經云夫學道之人須鳴天鼓以召衆神夫為正觀之道欲使邪氣不侵必須集會群神以自匡輔也左相叩為天鍾右相叩為天磬中央上下相對叩為天鼓或三十六上應三十六天中應三十六國下應三十六地或三十二通以應三十二天或二十七通以應於九天三九之數以成二十七也或二十四通以應於三八二十四神或十二通以應十二辰或九通以應於九元或七通以應於七元或三通以應於三元隨教所應而叩召之也若卒遇凶惡不祥當打天鍾三十過若經山辟邪威神大祝當椎天磬若存思念道感致招靈當鳴天鼓